

docsriver 文川网  
入驻商家 古籍书城

在文川网搜索古籍书城 获取更多电子书

docsriver 文川网  
入驻商家 古籍书城

在文川网搜索古籍书城 获取更多电子书

docriver 文川网  
古籍书城  
入驻商  
在文川网搜古籍书城 发现更多电子书

中國方志叢書·華中地方·第三〇一號

據  
宋·范致明撰  
古今逸史刊本  
影印

湖 南 省

# 岳陽風土記

(全)

5431/06

成文出版社有限公司印行



中華民國六十五年 月臺一版

# 岳陽風土記

全 冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

古今通史  
卷之五

卷之五

docsriver 文川网  
入驻商家 古籍书城

在文川网搜索古籍书城 获取更多电子书

docsriver.com商家古籍书城

本館百部叢書集成續編吳室  
校刊古今逸史本影印並附徐  
學謨重刻岳陽風土記序劉谷  
暨岳陽風土記序及四庫提要  
余嘉錫提要辨證於後所選百  
部叢書僅有此本

岳陽風土記

宋 范致明 撰

明 吳瑄 校

岳州南鄰蒼梧之野古三苗國地又爲糜子國春秋  
文公十一年楚子伐麇卽此地也戰國末屬楚羅子  
國秦并天下爲長沙郡漢因之以爲要扼之地置戍  
以鎮之建安中吳使魯肅將兵萬人屯駐於此吳錄  
云晉分長沙之邑爲巴陵等縣置建昌郡在巴陵今  
州卽建昌郡也以陶侃鎮之後省入長沙至宋文帝  
又分其地置巴陵郡齊武帝永明二年封子子倫爲



巴陵王遂爲巴陵王國丁倫爲明帝所宰梁武帝封  
齊明帝子保義爲巴陵王奉後以蠻三恪元帝都荆  
州立巴陵郡武帝末湘東王遣陸法和等據赤亭湖  
卽其地因以名之後平陳廢郡改爲巴陵縣煬帝元  
年改爲工州又改爲羅州三年又改爲巴陵縣唐武  
德四年蕭銑置巴陵郡華容沅江及汨羅湘陰五縣  
六年改爲岳州省羅縣天寶元載改爲巴陵縣乾元  
元年復爲岳州至南唐遂爲周行逢所有隸武平軍  
節度武平舊朗州今鼎州是也是時猶屬湖南皇朝  
下荆南始隸湖北

巴陵荆湖二流之合劉備既定蜀孫權往求荊州不得使魯肅以萬人屯之輿地誌云巴丘有大屯戍魯肅守之今郡城乃魯公所築也酈道元水經云巴陵山有湖水岸上有巴陵本吳之邸閣城也城郭殊隘迫所容不過數萬人而官舍民居在其內

州地客山高王山隱伏不甚利土人而僑居多興葺者俗謂之扁擔州

皇朝岳州領巴陵華容臨湘平江沅江五縣元豐末鄂州通城縣隸岳州其後又以沅江隔湖割隸鼎州而通城復以還鄂今領四縣

岳州常賦之外與他州名額不同者本籍竹筴蘇爾  
毛魚麴蘆藤鐵葉窰竈

巴陵本下雋縣之丘漢書地理誌下雋縣屬長沙郡  
按今在鄂州蒲圻縣界此其地耳水經所謂本吳之  
巴丘邱閣城也晉平康元年立巴陵縣於此後置建  
昌郡宋元嘉十六年立巴陵郡城跨岡嶺濱阻三江  
蓋巴陵對長洲其洲南分湖浦東北屈大江故曰三  
江也三水所會亦或謂之三江口夾洲列關亦謂之  
巴陵關江記言羿屠巴蛇於洞庭積其骨為陵淮南  
子曰斬蛇於洞庭今巴蛇塚在州院聽側巍然而高

草木叢翳張燕公有登巴丘望墨山之詩兼有巴蛇廟在岳陽門內太守歐頴廢之

岳陽樓城西門樓也下瞰洞庭景物寬闊唐開元四年中書令張說除守此州每與才士登樓賦詩自爾名著其後太守於樓北百步復創樓名曰燕公樓

山海經言洞庭沅澧之交瀟湘之淵是爲九江之門按澧鼎沅湘合諸蠻黔南之水匯爲洞庭至巴陵與荆江合而東州據其上水經云湘水右會小青口資水也世謂之益陽江右則沅水注之謂之橫房口東到微湖世謂之糜湖西流注爲江謂之糜湖口左則

澧水謂之武陵江凡此五水注爲洞庭北會爲大江  
名曰五瀦戰國策曰秦與荆戰大破之襲郢取洞庭  
五瀦楚辭帝子降兮北瀦皆其地也

寰宇記云郡有青草洞庭巴丘二湖青草湖中有青  
草山冬春水皆也洞庭洞府之庭上有洞庭  
真君廟堂巴丘之名今不著青草湖在壘石山與洞  
庭相通其南羅水出焉故羅縣在其上其東汨水出  
焉下有潭謂之屈原潭屈原懷沙自溺之所忠潔侯  
三閭大夫廟在其上

樂史言大江在巴陵東北流入洞庭今洞庭水會于

江非江流入洞庭也荆江出巴蜀自高注下濁流  
湧夏秋暴漲則逆泛洞庭瀟湘清流頓皆混濁岳人  
謂之鱸流水南至青草湖或三五日乃還俗云水神  
朝君山

岳陽并邑舊皆瀕江郡城西數百步屢年湖水激齧  
今去城數十步卽江岸父老相傳今江心舊關闌也  
瀕江沙磧地尚有稅絹甚重云祖來宅稅今不曾除  
改北津舊去城角數百步今逼近石嘴蓋荆江日激  
而南湘江日激而東也

江西沙洲舊長洲今名鱗魚嘴昔傳有異人云背生

岳陽樓即出狀元岳陽樓舊岸有港名駝鶴港商人泊船於此地勝千石載今已湮沒如平陸不復通舟尾通君山後湖丁晉公南遷還岳陽見江西新洲云此洲生當有真人臨此皇祐二年英宗以團練使鎮岳州及登寶位果符其說

岳陽樓上有呂先生留題云朝遊北越暮蒼梧袖裏青蛇膽氣轟三人岳陽人不識朗吟飛過洞庭湖今不見當時墨跡但有刻石耳先生名岩字洞賓河中府人唐禮部尚書渭之孫渭四子温恭儉讓讓終海州刺史先生海州出也會昌中兩舉進士及第即有

樓隱之志去遊廬山遇異人授劍術得長生不死之  
訣多遊湘潭鄂岳間或賣紙墨于市以混俗人莫之  
識也慶曆中天章閣待制滕宗諒坐事謫守岳陽一  
日有刺謁云回巖客于京曰此呂洞賓也變易姓名  
爾召坐置酒高談劇飲佯若不知者密令畫工傳其  
狀貌既去來日使人復召之客舍主人曰先生半夜  
去矣留書以遺于京于京視之默然不知所言何事  
也今岳陽樓傳本狀貌清俊與俗本特異  
楚澤門碧湘門舊楚城門也楚澤門經火不復完治  
今但有遺址



灘湖在州南春冬水涸昔人謂之乾湖水經謂之滄湖秋夏水漲卽渺瀰勝千石舟通閘子鎮

灘湖諸山舊出茶謂之灘湖茶李肇所謂岳州灘湖之合膏也唐人極重之見於篇什今人不甚種植惟白鶴僧園有千餘本地頗類此苑所出茶一歲不過一二十兩土人謂之白鶴茶味極甘香非他處草茶可比竝茶園地色亦相類但土人不甚植爾灘湖井唐人嘗稱甘水今荒穢不治及者亦少當不逮昔也

魯將軍廟在會泉門外乃蒼蕭廟也孫權使肅守巴

丘後人祀之

劉備既與肅畫湘爲界遂築地烏沙鎮對壘在州北  
六十里俗謂之金門劉備城

南樓陽公臺皆見岳陽詩味今其無遺跡可踐或云  
楚澤門舊南樓也今廢

孟浩然洞庭詩有波撼岳陽城蓋城據湖東北湖百  
百里常多西南風夏秋水漲濤聲喧如萬鼓晝夜不  
息激齧城岸歲常傾頽滕子京待制欲爲偃虹隄以  
捍之計成而滕移郡後遂不果

江岸沙磧中有冶鐵數枚俗謂鐵枷重千斤古人鑄

鐵如燕尾相向中有大竅徑尺許不知何用也或云  
以比壓勝辟蛟虺之患或以爲砢石疑其太重非舟  
人所能舉也或以爲植木其內編以爲柵以禦風濤  
皆不可知

龍興觀故基在太平寺東舊有西閣爲登覽之勝見  
滕公詩咏皮日休陸龜蒙亦爲觀步之什今治平寺  
江路兩山間林木遠密故基存焉天禧中賜名天慶  
昔時觀名因而泯沒

白鶴老松古木精也李觀守賀州有道人陳某自云  
一百三十六歲因言及呂洞賓曰近在南嶽見之呂

docsriver 文川网  
入驻商家 古籍书城

在文川网搜索古籍书城 获取更多电子书

云過岳陽曰憩城南古松陰有人自杪而下來相揖  
曰某非山精木魅故能識先生幸先生哀憐呂因與  
丹一粒贈之以詩呂舉以示陳陳記其末云惟有城  
南老樹精分明知道神仙過明日陳行留之不可後  
年餘李守岳陽因訪前事果城南有老松以問近寺  
僧曰先生舊題詩寺壁久已摧毀但能記其詩曰獨  
自行來獨自坐無限世人不識我惟有城南老樹精  
分明知道神仙過後爲亭松前曰過僊亭舊松枯槁  
今復鬱茂得非丹餌之力邪

隋末校尉董景珍率鄭文秀共立蕭銑爲梁後乃封

景珍爲晉王文秀爲楚王今北廟董王廟南廟鄭王廟也圖經以鄭王廟爲巴陵今鄭德隣昔遇洞庭君者非也海眼池在高州夾舊傳潛通江海今湖泥湮沒不復如昔

紫溪臺亦曰紫荆臺在灘湖上下有石高四尺曰紫溪石

南廟乃孝烈靈妃孝感侯朝秦武陵令羅君用因督鐵運溺水死其女挈弟尋父屍不獲遂相繼赴水死邦人哀而祀之謂之羅娘廟靈書云著凡有舟楫往還祈之利涉後唐明宗天成二年丁亥湖南馬殷承

制列姊在左弟在右元豐中始賜今封岳人禱祠無  
虛日舊在烏龜渡南祝者以爲不便託言神意遂移  
今廟按李瀕寄遠詩曰化石早曾聞節婦沈湘何必  
獨靈妃其意似與今聞差異

董景珍鄭文秀旣立蕭銑爲梁後築臺城南今失其  
處

崔魯有登岳陽樓雲夢亭夜登洞庭樓三詩今雲夢  
洞庭亭樓莫知其處

太平寺舊傳爲屈原宅蓋屈原被逐寓此

廣教寺後唐永安寺舊爲聖善寺故基昔曰雲卿遇

江叟於聖善寺吹笛召洞庭諸龍卽其地也

金雞白石在船塲舊步有金雞翔其上

剪刀池在郡城東北隅或云池中有鼎耳高數尺其中容人往來上有識文善泗者常見之

靈妃廟有銅鼓元豐中永慶莊耕者得之圓口方耳下有方趺皆古篆雲雷文色正青綠形制精巧非近世所能爲也取置于寺太守李觀用者舊之說以爲陸賈使南越嘗以銅鼓獻之于廟歲久失之意其必此遂移置廟中方移置時護持不謹因誤毀損今已不完或云聞初獲鼓時同獲銅鐸一枚以其完好輦



致禮部今藏秘書省有鼓以毀壞遂留永慶寺李觀之  
說似非其實

沈亞之作湘中怨云鄭子况爲岳陽太守因上巳日  
攜家登岳陽樓下望郭渚鄭追想汜人俄有所見聞  
汜人歌曰沂青山兮江之湄泳湖波兮曼綠裾意奉  
奉兮心莫舒舟中人亦歌非樓上之人所能辯  
洞庭湖岸有石井二相去數百步俗號秦皇井其泉  
甚甘美

關子湖本角子湖語說以其在洞庭之角故謂之角  
子湖灘湖亦謂之關子湖楊行密以木籠鎖舟之地

或謂瀕湖地卑歲苦水患民多重屋以居故謂之關  
子湖

湘州記云岳州有昭潭其下無底湘水最深處今岳  
州無昭潭昭潭自屬潭州

關子鎮有隄曰白荆堤石壁潭在其下亦謂之釣絲  
潭其深莫測夏秋水漲一日之間或增或減土人以  
爲龍出入此潭其間多蛟屢爲行旅之患滕子京作  
碑隄上戒往來者使陸行

啞潭在白荆隄側歲壞邦人方完築忽有大鯉魚躍  
其中後夫殺而食之往往皆死然瀕江漁人不以魚

之長大爲奇怪但釣網不能制者皆殺之不知此又何也

水經云湖水廣五百里日月出沒其中大抵湖上舟行雖汴流而遇順風加之人力自旦及暮可行二百里岳陽西到華容過大穴漢沔湖一日程又西到澧江口鼎州江口皆通大穴漢赤沙三日程南至沅江過赤鼻山湖四日程又東至湘江過磊石青草湖兩日程夏秋水漲其道如此冬春水落往往淺澀江道回曲或遠或近雖無風濤之患而常棄關

洞庭山之北宜春口出焉韓退之詩朝發宜春口即

此地也

鼓樓山上有石室下瞰洞庭中容數千人羣盜逋藏之所俗謂分金洞統制官巡捕後遂少衰息按水經云洞庭鹿角山西有謹亭戍萬石戍梁湖口有金浦戍然則屯兵捕盜舊矣

烏石山在州南所謂烏頭石也其地五山相峙亦名五龍山下有港曰石墨港水中石如墨磨礮之可愈喉膈壅熱之疾或云亦可代墨用

君山在洞庭湖中昔人有詩云四顧疑無地中流忽有山正謂此也夏秋水漲皆巨浸不可以陸行往近

年冬深水落渡江肩舁以遊上有廟曰淵德侯洞庭  
君廟舊祠以爲湘君遂以爲二妃誤也上有野馬數  
十疋蓋昔之所獻馬歲久滋生山多古木少草夏秋  
食木皮多餓死故其數不充廣

君山崇勝寺舊楚興寺也有井曰柳毅井按靈姻傳  
始言遷湘濱中言將歸吳國固無定處然則前人因  
事闕文後人遂以爲實此亦好事者之過也

荊州記言君山上有道通吳之苞山今太湖亦有洞  
庭山亦潛通君山故得名耳山後響沙頓足聽之有  
聲鄭善長言君山有石穴潛通吳之苞山

郭景純謂巴陵是湘君所遊處故曰君山湘州記言  
秦皇欲入湘觀衡山遇風濤漂溺到此山而免因號  
君山或言秦皇遭風於此問博士曰湘君何神曰堯  
女舜妃也神遊洞庭之湖出入多風雨秦皇大怒乃  
藉其山漢武帝亦發卒以射蛟郡國志洞庭山院堯  
女居之內有君山然則君山洞庭之分耳博物志云  
君山卽洞庭之山堯之二女居之長曰湘君次曰湘  
夫人今黃陵廟二妃廟也  
庾穆之湘州記云君山上有美酒數斗得飲之卽不  
死爲神仙漢武帝聞之齋居七日遣樂巴將童男女

數十人來求之果得酒進御未飲東方朔在旁竊飲  
之帝大怒特殺之朔曰使酒有驗殺臣亦不死無驗  
安用酒爲帝笑而釋之寺僧云春時往往聞酒香尋  
之莫知其處

君山虎洞石穴夏秋水漲卽沒春冬水落卽露朝廷  
嘗遣使投龍于此歲旱邦人往往祈禱焉

君山東對編山山多竹兩山相去數十里迴峙相望  
孤影若浮湘人以吳船爲編山形類之故以名山上  
有塔曰啞女塔舊傳有商女崇病至此忽能言指其  
上可置塔其家爲之置塔因以名焉

通典州郡錄云巴丘湖中有曹洲卽曹公爲吳所敗  
燒船處在今縣南四十里松縣西有曹公渡若之地  
理與周瑜曹公相遇處絕不相干不知何所據而言  
也

楊潭岸在荆江舊大湖也水經云江中有觀澁澁東  
有大洲洲東分爲爵洲南對湘江口分觀澁口徐師  
港在三江口北三十里爵洲在三江口南四十里又  
曰湘山迤于巴丘北謂之射獵磯江浦之右岸在城  
陵山山有故侯景港乃侯景泊舟師之所  
雲夢澤寰宇記曰半在江南半在江北其水中土丘



docsriver 文川网  
入驻商家 古籍书城

在文川网搜索古籍书城 获取更多电子书